

ديوان

# كلامك أحلى من كلامهم

بالعامية المصرية

الشاعر الصحفي

نصر سليمان





بِسْمِ اللَّهِ الرَّحْمَنِ الرَّحِيمِ



# إهداء

.....

**إلى قلوب طيبة وأرواح نقية ...  
فالكلمة الطيبة من قلب محب  
تسعد الروح والقلب .**

**..... نصر سليمان**



# 1 | باتمنالك

.....

باتمنالك

كل الهنا

ما هو أنت

يا حبيبي

أنا

مش مهم

قلبك يأسى

مش مهم

انك تنسى

المهم

تبقى سعيد

قلبك وردة

بعطر فريد

يومك فرحة

فجر جديد

...

## 2 | الكذب ليه

.....

الكذب ليه

ياناس

فاق الحد

ضاع بينكم

الإخلاص

ما بقتش

اصدق حد

الحق أصبح

غريب

والصدق

مالوش حبيب

عايش ف الدنيا

حاير

والكذب ف الدنيا

داير

الزيف بيعلى

صوته

والحق

طال سكوته

لكن

لكل ليل

نهاية

ومع فجر بكرة

بداية

لحياة

بروح جديدة

في الحق

واضحة

عنيدة

لابتخاف

ولا بتداري

ونور الصدق

هو الباقي

....

## 3 | كلامك أحلى من كلامهم

.....

كلامك أحلى

من كلامهم

وأحلى كثير

من أحلامهم

ومهما قالوا

في ملامهم

حبك أجمل

من أيامهم

أنت حبيبي

فارق عنهم

أنت حبيك

مش أناني

قلبك أنت

فيه كياني

...

كلامك أنت

عايش في قلبي

عايش معايا

في نبض حبي

كل كلمة

ليها عندي

معنى تاني

كل همسة

ليها سحر

شكل تاني

أنت حبك

مش أناني

قلبك أنت

فيه كياني

...

أنت حاجة

مش عادية

أنت روحي

ونور عينا

أنت أحلى

شئ حصلي

في الدنيا ديه

أنت حبك

مش أناني

قلبك أنت

فيه كياني

...

كلامك أنت

حاجة تانية خالص

أصل قلبك

دايما

بقلبي حاسس

أنت روحي

ونبض قلبي

عمر تاني

عايش في حبي

أنت حبك

مش أناني

قلبك أنت

فيه كياني

## 4 | بتريجني الحقيقة

.....

بتريجني الحقيقة

زي الشمس البريئة

بتنور قلبي

وما تفارقوش دقيقة

ياريت تقول الحقيقة

للقلب

مرة واحدة

يرتاح

وروحى شاهدة

على حبه

وصدق نبضه

بس قول الحقيقة

أحبك

نبداً دنيا جديدة

أو إبعد عني

وفارق

روحي العنيدة

...

## 5 | في نور رمضان

.....

هل علينا

شهر كريم

فيه نفحات

رب رحيم

وملايكة علينا

تطوف بالنور

وليلة القدر

سلام وسرور

فيها العفو

من رب عفور

...

في السحور

بركة وزاد

في الصيام

للعباد

والتقوى ليها

نور وسكينة

في حب الله

وحب نبينا

...

في الصيام

الصبر والإخلاص لله

وفي القيام

دعاء موصول للإله

ينور حياتنا بحبه

ويجمعنا على دربه

ويرحمنا بغيرانه

ويكرمنا بإحسانه

هو العفو سبحانه

والرحمة في رضوانه

...

## 6 | مصر مفيش زيها

.....

صدقني

ما عرفتها

مصر

مفيش زيها

تتحمل الغريب

وتخاف على إينها

وتحضن القريب

والغدر مش طبعها

وان حد مس في يوم

أرضها

الشعب كله فداها

وبيحمي عرضها

...

دلوقتي

من ولادها

قاسي على شعبها

كأنه مش معاهم

ولا يعرف طبعها

كأنه ما شافش خيرها

ولاعاش على أرضها

مادد جناحه لغيرها

بيحارب شعبها

مش فارقه

عنده حياتها

ولا فارق إسمها

المهم

فكره هو

تنحكم بيه

البلاد

المهم

تبقى رايته

فوق رؤوس العباد

بالتكبر

والتشدد

قلب جامد

في العناد

مش مهم

حتى بلده

تبقى عايشه

في سواد

...

شعب مصر

شعب واعى

ومش جبان

شعب حامى

للحياة

من زمان

شعب طيب

بيحب دينه

ويحب ربه

لما يغضب

يبقى ماردا

يحمي أرضه

شعب يكره

مين يعانده

شعب يكسر

مين يمس بكلمه

عرضه

شعب مصر

شعب واعى

ومش جبان

شعب عايش

بالمحبة

من زمان

...

## 7 | في المحبة

.....

في المحبة

الشمس نورها

في كل حته

والود عمره

ما يستخبي

هايم معانا

في كل نظرة

و كل همسه

كل لمسه

و كل بسمه

...

في عشنا

شمس الحياه

نور الامل

يفرش ضياه

نهر المحبه

من مبتداها

لمنتهاه

يجري في قلوبنا

بكل ود

وكل خير

يروى الحياه

...

## 8 | القاب خايف ليه

.....

القلب

خايف ليه

الحب يهرب

من ايديه

ليه يا قلبي

ليه

شوف الفرحة

جواك أد أيه

ولما روعي تسألته

يدوب في سكاتة

والرد صعب عليه

خائف من زمانه

أو فراق يضمنه

ده الحب

هو حياتي

وبالحياة

يفديه

...

## 9 | يمكن في السكات راحتي

.....

يمكن في السكات

راحتي

يمكن في السكات

بوحى

صدقني يا صاحبي

جرحت لي روحى

يمكن ما كانش قصدك

والصدق باين في ودك

لكن قسوتك

كلمة

والقلب يحزن

بهمة

صدقني يا صاحبي

جرحت لي جروحي

وفي السكات راحتي

وفي السكات بوحي

...

## 10 | سحر الحب

.....

سحر الحب

بيندهلك

ياحبيبي

قلبي يشتاقلك

بلهفة وحب

بنستنى

في يوم لقانا

نتهنى

...

نور الحب

بيشتاقلك

يا حبيبي

عمرى بيندهلك

كفاية

كل اللي فاتنا

الحب

يا حبيبي حياتنا

...

# 11 | كل حاجة قالتها عني

.....

كل حاجة

قالتها عيني

حبك أنت

ضي قلبي

ونور سنيني

سحره ديبا

بينادينني

و أغلي شئ

أنت في قلبي

و أحلى شئ

أنت و حبي

...

خلي بالك

روح حنانك

مالكة روحي

مالكة قلبي

وفي جمالك

روحي دايرة

و نبض حبي

و أعلى شئ

أنت في قلبي

و أحلى شئ

أنت و حبي

...

## 12 | قلبك في قلبي

.....

قلبك في قلبي

الأمير

حبك غير حاجات

كثير

حاسس إني معاك

بأطير

بالحب

للحب

حبك في قلبي

الأمير

## 13 | مقدرش أخاصم روحي

.....

مقدرش أخاصم روحي

وان زادت في قلبي

جروحي

راح تهدي مع الايام

ونلاقي الحياة قدام

بشكل تاني

وفرح تاني

نعيش حياتنا

ده الحب بيتنا

والفرحة جاية

مع الأيام

ننسى معها

أى آلام

...

## 14 | كلام كثير مالوش معنى

.....

ايه لازمة الكلام

لما كلام مالوش معنى

ايه لازمة الكلام

لما الكلام بيوجعنا

كلام كثير

كثير

من غير عقل

ولا تدبير

كلام جامد

من غير احساس

كلام بيجرح

قلوب الناس

فين المحبة

والصدق

والإخلاص

ضاعوا خلاص

ما بين الناس

...

# 15 | آه يا ضي عيني

.....

روحي

قلبي

عيني

آه يا ضي عيني

حبك هو عمري

وفرحت معاك

سنيني

أنت فرحة حياتي

وشمس يومي الآتي

ومها أوصف

في حبي

لسه كتير

كتير في قلبي

ده معاك فرحت

سنيني

يا قلبي

وضي عيني

.....

## 16 | أنا قلبي اطمئنك

.....

أنا قلبي اطمئنك  
وعهده انه يكونلك  
طول ما نبضه جاري  
حبك هو كياني  
وقسمتي وداري

...

أنا قلبي انفتحلك  
ويحب نور صراحتك  
من يوم ما حبيتك  
عمري ما يوم جرحتك

## 17 | القلب إيه محيره

.....

القلب إيه محيره

والبدر إيه مغيره

لا السبا صافية

ولا القلوب دافيه

فيه غيمة مكتومة

بالحزن مكلومة

والروح مش شايقة

....

# 18 | قالوا غريب

.....

قالوا غريب

بس طيب

وقلبه فل

بس في غضبه

بیتعیب

یا ناس

بنی آدم بقلبه

مادام سلیم

عمره ما یتعیب

ده الكمال لله

يا أبو قلب زين

يا أبو قلب طيب

....

## 19 | قلبك مش سامعني

.....

لما قلبك يبقى جنبني

ومش سامعني

لما قلبك يبقى جنبني

وشئ واجعني

لما قلبي يبكي منك

حتى انفطر

يبقي شئ بينا

خاف وانكسر

...

## 20 | ما دام قلبك معاك

.....

مادام قلبك معايا

كل شىء بيهون

وفي حبك أنت رضايا

والحياة بتكون

أجمل من الاحلام

أحلى ما في الايام

قلبين

عايشين في محبة

وفي رضا وسلام

ومادام قلبك معايا

كل شئ يبھون

وياحب فيك دنيانا

وياحب كل الكون

...

## 21 | فيه شيء جوايا رافض للألم

.....

فيه شيء جوايا

حزين

سامع آهاته

سامع أنين

القلب عمره ما اشتكى

والحلم جواه بكى

والروح بتتحدى

السنين

...

فيه شيء جوايا رافض للألم

فيه شيء بيتحدى الندم

شيء مقويني

وروح تخلييني

أسبق الألم

بألف حلم وقدم

...

## 22 | حبيبي يا شفيع الأمة

.....

حبيبي

يا شفيع الامة

حبيبي

يا نبي الرحمة

اختارك الرحمن

آيه

رسول للرحمة

والهداية

صلى عليك

الله

في سماه  
واحنا بنصلي  
وندعي الاله  
يجمعنا بالرضوان  
مع حبيبه  
في الجنة  
ويقبلنا بالاحسان  
ولا يحرم حد منا  
...

## 23 | لو حسيت

.....

لو حسيت بالغبرة

في أرضك

لو حسيت الدنيا تعاندك

أصبر

بكرة تجيلك عندك

بكرة

الارض تطلع وردك

...

لو حسيت بمرارة

في قلبك

وزاد الشوك قساوة

في دربك

بكرة

الايام تصفى وتحلى

بكرة

الفرحة تعيشها

في حبك

...

## 24 | يارب قويني

.....

يارب قويني

ع الدنيا قويني

على نفسي قويني

الدنيا تعبتني

عنك وبعدتني

يارب رجعني

وبكل خير

اجمعني

وأزور بيتك

وتسمعني

مع العباد طائف  
وبنور رحمتك شايف  
أسعى و بأدعيلك  
وبشوق  
ومن تاني  
أرجع هنا  
أجيلك  
تشمّلنا بغفرانك  
فضلك و احسانك  
بيفيض على قلوبنا  
وتستر لنا عيوبنا  
وندعي ع بابك  
اجمعنا باحبابك  
...

## 25 | طلة الفجر البهية

.....

طلّة الفجر البهية

فرحة للروح

و لقلبي و عينا

والشمس بتهل عليا

بفرحة الوردة الندية

...

مش مهم الليل يطول

مادام الفجر طالع

مش مهم الناس تقول

مادام الرب سامع

المهم أكون أنا نفسي

المهم ما اخونش ذاتي

الحياه

رايحه وجايه

وع الحق

يكون ثباتي

...

## 26 | الصبر طيب

.....

الصبر طيب

قالوها زمان

الصبر طيب

والصبر ده ألوان

والقلب طيب

بس حاسب

ان كان غضبان

كغضب الحليم

قالوها أهل زمان

بس الغضب ينطفي

لو صفي الوجدان

بهمسة قلب

وروح فيها حنان

والفجر طالع

مهما طالت الأحزان

...

## 27 | قلب المحبة

.....

قلب المحبة

دايما يوافي

بالود

مهها يآسي

ولو جه الحزن

يحضن

يواسي

ميعرفش الأسية

وبالحب والحنية

تبقى الحياة وردية

ده قلب أبيض

زي الفل

على طول بيروق

ويجب الكل

ده قلب المحبة

دايما يوافي

بكل الخير

مهها يآسي

....

## 28 | مش انت بس

.....

مش انت بس

اللي بتألم

فيه ناس كثير

ولا بتتكلم

كاتمة وجعها

ولسه بتحلم

وفي الدنيا

ياما نشوف ونتعلم

...

## 29 | ايه ممكن يكون جديد

.....

ايه ممكن يكون جديد

وانت جنبي أو بعيد

نفس همي

نفس ألمي

وفي لقاك

ممكن يزيد

من غير تفاهم

من غير رضا

من غير تكامل

زاد الشقى

والود يهرب

بكره يضيع

والشتا يطوي

الربيع

...

## 30 | برضايا ومحبتتي

.....

برضايا ومحبتتي

حبك

هنايا ودينيتي

قلبك

سمايا وبسمتتي

ملكتي قلبي

ومهجتي

...

بسحرك

ملكتي قلبي

وفي قلبك

عشت حبي

أنت

حبي ورضايا

أنت

روحي وهنايا

...

## 31 | باحب قلبك الوردي

.....

بأحب

قلبك الوردي

وحبك

في الكيان يسري

وقلبك

هو نور بدري

وعبير حبك

ربيع وردي

...

## عيش بجرحك حر | 32

.....

جه أوانك يا قلبي

تدوق المر

جه أوانك يا قلبي

تعيش الصبر

ومها كان زمانك

مش بيسر

أحضن سنينك

وعيش بجرحك حر

...

## يا شمس البحر | 33

.....

يا شمس البحر

قلبي يقولك كلام

في غيابك

الدنيا مش دنيا

بحر ظلام

وفي روحي حنين

وجرح

آلام

من الناس

من الدنيا

من الأيام  
عاش بوعدك  
وشوق ما بينام  
بكره أشوفك  
وفي نورك  
أحقق الأحلام  
...

## 34 | ابني حبيبي.. بنتي حبيبتي

.....  
ابني حبيبي

حبة عيني

وحتة مني

قلبك مني

فرحة قلبي

وضي عينا

وابتسامك

كل الدنيا

...

بنت حبيبتي

نبضة قلبي

وردة جميلة

روتها بحبي

فرحة عمري

وضي عينا

هي حياتي

وكل الدنيا

....

## 35 | إزاي يا حبيبي أزعل

.....

إزاي يا حبيبي

أزعل

وانت الأحن

الأجمل

إزاي يا حبيبي أحزن

وانت معايا دينا

تفرح لفرحي

تواسي جرحي

تحلم معايا

تملا سهايا

نور ومحبة

والفرحة تكبر

حبة بحبة

...

## 36 | قبل ما تقول ملامك

.....

قبل ما تقول ملامك

راجع بس

شوية كلامك

وشوف أد إيه جواك

سواد في النفس

وفي قلب سماك

أناني

زي كتير م الناس

بخيل الحس

تدوس

تنداس

زيك زي كثير م الناس

وقبل ما تقول الملامة

راجع نفسك

قبل لسانك

مرة راجعها

وراك

قدامك

ناس بكلامها

سابقة كلامك

بتحكي عيوبك

زي ملامك

...

## 37 | اللي كان بينا انكسر

.....

اللي كان بينا انكسر  
لملم شتات الآه  
واللي خان فينا وغدر  
نار الندم جواه  
عايش مرارة ذنبه  
تايه في حيرة قلبه  
صعب السباح  
مهما اعتذر  
اللي خان قلبي  
وغدر

## 38 | مع كل طلعة شمس

.....

مع كل طلعة شمس

و دقة قلب و نفس

باصلي ع الرسول

وبحلو اللسان باقول

بحبك يا نبي

وبحب رب النبي

اللي هدانا بيه

وخلى الرحمة

بين ايديه

يارب

اجمعنا به

في محبتك

ومع الاحبة

في جنتك

...

## 39 | إن كان ع العتاب

.....

ان كان ع العتاب

حيعمل ايه

العمر راح

والحلم راح

واحنا بنبكي عليه

ومهما قلنا

في العتاب

في اللي فات

واللي غاب

مش حيرجع

اللي راح تاني  
مش حترجع  
ولا حتى الاماني

...

## 40 | مالناش يارب غيرك

.....

مالناش يارب غيرك

عاشين في نعمة خيرك

عاشين في نورك

ربي

الهدى نورك

في قلبي

بارك يارب فينا

وارحم حبايب لينا

واجمعنا في محبتك

باحسانك ورحمتك

## 41 | من غيرك يسامح

.....

من غيرك يسامح

وانت ربي كريم

تهديني للصالح

ربي غفور

وحليم

يفرح بتوبة عبده

و بالنوايا

خبير وعليم

...

من غيرك يسامح

ربي

رب قلوب

عالم بأسراري

ويسترني

ويقبلني

لما بتوب

ويقبل شفاعتي

النبي المحبوب

.....

## 42 | اشكر ربك

.....

لما تحس الناس بتحبك

قول

الحمد لله

لما تحس الستر في قربك

قول

الحمد لله

لما تحس براحة بال

قلبك صافي

راضي الحال

قولها بقلبك

وأشكر ربك

ديما قولها

يا الله

يملا حياتك

نور برضاه

...

## 43 | ليه قلبك بيبأس

.....

ليه قلبك بيبأس

وربك هو الكريم

ليه قلبك بيبأس

وربك غفور ورحيم

خلي قلبك

مع ربك

هو دينا معاك

ورحمته

دينا بقربك

حب ربك

الودود

بفضله

هو يحبك

...

بِسْمِ اللَّهِ الرَّحْمَنِ الرَّحِيمِ

## صدر للمؤلف

\* ديوان (قديري) ... عن دار نشر «جزيرة الورد» لصاحبها ومديرها الأستاذ فتحي هاشم في أول شارع ٦٢ يوليو ناحية مترو الأنفاق بالعتبة بوسط القاهرة .

\* ديوان (بحبك يارب) ... وهو بالعامية المصرية

\* (القدوس ربي) ديوان

\* ديوان (مشاعر عفوية)

\* ديوان (قالت تجادلني)

.....

للتواصل : [nasrsoliman2@gmail.com](mailto:nasrsoliman2@gmail.com)

٠١٠١٢٠٧١٥٨٤



## الفهرس

- إهداء ..... ٥
- باتمناك ..... ٧
- الكذب ليه ..... ٩
- كلامك أحلى من كلامهم ..... ١٢
- بتريجني الحقيقة ..... ١٦
- في نور رمضان ..... ١٨
- مصر مفيش زيها ..... ٢١
- في المحبة ..... ٢٦
- القلب خايف ليه ..... ٢٨
- يمكن في السكات راحتني ..... ٣٠
- سحر الحب ..... ٣٢
- كل حاجة قالتها عيني ..... ٣٤

- ٣٦ ..... قلبك في قلبي
- ٣٧ ..... مقدرش أخاصم روحي
- ٣٩ ..... كلام كتير مالوش معنى
- ٤١ ..... آه يا ضي عيني
- ٤٣ ..... أنا قلبي اطمنلك
- ٤٤ ..... القلب ايه محيره
- ٤٥ ..... قالوا غريب
- ٤٧ ..... قلبك مش سامعني
- ٤٨ ..... مادام قلبك معايا
- ٥٠ ..... فيه شئ جوايا رافض للألم
- ٥٢ ..... حبيبي يا شفيع الأمة
- ٥٤ ..... لو حسيت
- ٥٦ ..... يارب قويني
- ٥٨ ..... طلة الفجر البهية

- ٦٠ ..... الصبر طيب
- ٦٢ ..... قلب المحبة
- ٦٤ ..... مش أنت بس
- ٦٥ ..... ايه ممكن يكون جديد
- ٦٧ ..... برضا ومحبتي
- ٦٩ ..... بأحب قلبك الوردى
- ٧٠ ..... عيش بجرحك حر
- ٧١ ..... يا شمس البحر
- ٧٣ ..... ابني حبيبي .. بنتي حبيبتى
- ٧٥ ..... إزاي يا حبيبي أزعل
- ٧٧ ..... قبل ما تقول ملامك
- ٧٩ ..... اللي كان بينا انكسر
- ٨٠ ..... مع كل طلعة شمس
- ٨٢ ..... إن كان ع العتاب

- ٨٤ ..... مالناش يارب غيرك
- ٨٥ ..... من غيرك يسامح
- ٨٧ ..... أشكر ربك
- ٨٩ ..... ليه قلبك بيبأس
- ٩١ ..... صدر للمؤلف
- ٩٣ ..... الفهرس

